

COMPACT DISC CU CANCIONAN DI RUFO WEVER



ORANJESTAD (AAN): Un cantidad di invitado tabata presente den Casablanca Casino di Aruba Hilton Hotel, pa asina asisti na e bautizo di e Compact Disc "Souvenir di Aruba" honrando Rufo Wever, y cu a ser presenta pa e gran pianista Victor Nicolas Camacho.

Na e anochi special aki, diferente persona a dirigi palabra y tambe por a tende un breve historia di e gran compositor y musico

Arubano, Rufo Wever (1917-1977).

E Compact Disc nobo aki ta presenta algun di e 100 y pico composicionnan cu Rufo Wever a sa di ofrece e comunidad Arubano durante su bida.

Victor Nicolas Camacho a trata di trece e composicionnan aki na un forma magistral riba Compact Disc, y e ta contene tambe e clasico "Arubanita".

Tabata presente na e bautizo tambe Ministro Fredis Refunjol, e musico Padu Lampe (Padu del Caribe), y tambe tabata tin presentacion di baile cu Diana Antonette y Mario Albus.

Un aplauso por a ser scucha ora cu e Compact Disc aki a ser bautiza.

Ta di spera cu pueblo lo amplia nan coleccion di CD cu e bunita album aki cu ta reforza e cultura di Aruba, y tambe ta rindi homenahe na un gran Arubano!

Riba e fotonan aki por mira momento di bautizo, tambe presentacion di baile, y un foto di archivo di Rufo Wever cu su piano.

